

*“Aaqqiissut – Naalakkersuisut siunnersuutaannut 24. august 2009-imeersumut taartaasoq”*

**Amerlasuujusat qaartussiat pillugit nunat tamalaat isumaqatigiissutaannut Danmarkip akuersissuteqarneranut Kalaallit Nunaanni Namminersorlutik Oqartussat akuersinisaannut aamma Danmarkip akuersissuteqarnerminut atortorisaanik Naalagaaffit Peqatigiit Generalsekretæriannut tunniunneqartussanik suliaqarnissamut akuersaarnissannut Inatsisartut aalajangiiffigisassaattut siunnersuut.**  
 (Naalakkersuisut siulittaasuat)

## Saqqummiussissut

Naalakkersuisut sinnerlugit matumuuna saqqummiutissavara amerlasuujusat qaartussiat pillugit nunat tamalaat isumaqatigiissutaata 4. December 2008-meersup akuersissutigineqarnissaar pillugu Kalaallit Nunaanni Namminersorlutik Oqartussat oqaaseqaateqarnissaannut aalajangiiffigisassatut siunnersuut.

Danskit naalakkersuisuisa Folketingimi amerlanerussuteqarluartunit taperserneqartumik amerlasuujusat qaartussiat ukiut erseqqinnerusumik isumaqatigiissutigineqartut iluanni atorunnaarsinneqarnissaat pillugu nunat tamalaat isumaqatigiissuteqarnissaat sulissutigisimavaat. Taamatut isumaqatigiissuteqartoqarpoq ulloq 4. december 2008-mi Oslo.

Amerlasuujusat qaartussiat sakkuupput naalagaafinnut ataasiakkaanut inatsisitigut malittarisassat malillugit akuerisaasut, qaartiterutaapput annikinnerusunik (20 kg ataallugu) siaruarterissutaasartut qaartiterutinut ataasiakkaanut naleqqiullugit nunaminertani annertunerusuni qaartartut. Amerlasuujusat qaartussiat tatiginanngitsutut nakersunngitsutullu isigineqarput inuinnarnullu naakittaatumik akuerineqarsinnaanngitsumik kingunipiloqartarlutik.

Amerlasuujusat qaartussiat pillugit nunat tamalaat isumaqatigiissutaanni pingaernerit makkuupput:

- Sakkut taama ittut malittarisassaqartitaasut qanoq paasineqarnissaannik nassuaatit,
- Sakkunut taamaattunut tunngatillugu inerteqqutit,
- Naalagaaffit amerlasuujusat qaartussiat pigisaannik atorsinnaajunnaarsitsinissamut piffissaliussat,
- Naalagaaffit oqartussaaffigisaanni amerlasuujusat qaartussiat qimaannakkanik saliinissamut atortussaajunnaarsitsinissamullu piffissaliussat, kiisalu
- Amerlasuujusat qaartussiat sakkunik eqquaasunut ikuuttarnissamik aalajangersakkat sukumiisut.

Nunat tamalaat isumaqatigiissutaata imarai sakkut aalajangersimasut nunat tamalaat isumaqatigiissutaanni amerlasuujusat qaartussiat nassuarneqartut atornissaannut, ineriartortinnissaannut, sakkussiarinissaannut, allatulluunniit pissarsiarinissaannut, toqqorternissaannut, paaqqutarinissaannut nuunneqarnissaannulluunniit naalagaaffinnut isumaqatigiissummut peqataasunut inerteqquteqarnermik aalajangersakkat. Peqatigitillugu naalagaaffinnut isumaqatigiissummut peqataasunut inerteqqutaavoq nunat tamalaat isumaqatigiissutaata ataani iliuseqarernut naalagaaffimmut isumaqatigiissuteqartumut inerteqqutaasunut ikuunnissaq, kajumissaarissaq allanilluunniit peqataatitsiniarnissaq. Taamaattoq nunat tamalaat isumaqatigiis-

sutaanni inerteqqutaanngilaq naalagaaffinnik nunat tamalaat isumaqatigiissutaannut ilaann-gitsunik sakkutooqarnikkut suleqatigiinninermut peqataanissaq.

Nunat tamalaat isumaqatigiissutaatiguttaaq siunertaavoq sorsuffiusuni aaqqiagiinnginnermillu eqquaasuni sakkulersorluni aaqqiagiinnginnerup ajoqsiinerinut inuinnaat pitsaaneruseumik illersugaanissaat. Amerlasuujusat qaartussiat ullumikkut naalagaaffippaalussuarni amerlasoor-suanngorlugit toqqortarineqarput. Nuussisarnissap inerteqqutaaneratigut siunertaavoq – amer-lasuujusat qaartussiat pigineqareersunik atortussajunnaarsitseqqusinermut atatillugu – naala-gaaffiit isumaqatigiissuteqartut nunallu allat akornanni amerlasuujusat qaartussianik siammaa-nissap akornuserneqarnissaa.

Nunat tamalaat isumaqatigiissutaat Kalaallit Nunaanni inuinnarnut sunniuteqarnavianngilaq taamaallaalli Kalaallit Nunaanni illersorneqarnissamut tunngasuussalluni.

Danskit naalakkersuisui pilersaaruteqarput nunat tamalaat isumaqatigiissutaata sukkasuumik Danmarkimut atuuttussanngortinneqarnissaa pillugu 2009-mi ukiakkut Folketingimut aalajan-giiffisassatut siunnersummik saqqumiussissallutik. Tassunga atatillugu pingaaruteqarpoq naalagaaffeatigiit tamarmiullutik atuuttussanngortitsinermut ilaatinneqarnissaat. Naalakker-suisut pissusissamisoortutut isigaat uagut maani nunatsinniit nunat tamalaat isumaqatigiis-sutaannik atuuttussanngortitsinitsigut amerlasuujusat qaartussiat naakkittaatsuliornermut ator-neqartartunut aammattaaq akerliunitsinnik takutitsinissarput.

Tamakku tunngavigalugit matumuuna Naalakkersuisut sinnerlugit aalajangiiffisassatut siun-nersuut Inatsisartunut suliassanngortippa, kaammattuutigissallugulu, Kalaallit Nunaanni Namminersorlutik Oqartussat amerlasuujusat qaartussiat pillugit nunat tamalaat isumaqatigiis-sutaata Kalaallit Nunaannut atuuttussanngortinneqarnissaanut akuersaassasut.